



REPUBLIKA E SHQIPËRISË
MINISTRIA E DREJTËSISË

QENDRA E PARANDALIMIT TË
KRIMEVE TË TË MITURVE DHE TË
RINJVE

URDHRI I PUNONJËSIT SOCIAL

Nr. 322 prot.
Tiranë, më .09. 2023

Nr. 88 prot.
Tiranë, më 20.09. 2023

MARRËVESHJE BASHKËPUNIMI

NDËRMJET

**QENDRËS SË PARANDALIMIT TË KRIMEVE TË TË MITURVE DHE
TË RINJVE**

DHE

URDHRIT TË PUNONJËSIT SOCIAL

“Për

**vendosjen e bashkëpunimit në kuadër të
ofrimit të shërbimeve lidhur me rehabilitimin dhe riintegrimin e të
miturve dhe të rinjve në konflikt me ligjin”**

Sot, më datë 20/09/2023, në Tiranë, lidhet kjo Marrëveshje Bashkëpunimi ndërmjet palëve:

Qendra e Parandalimit të Krimeve të Miturve dhe të Rinjve (më poshtë "QPKMR"),
përfaqësuar nga Znj. Klaudia HASANLLARI, me adresë Rr. Frederik Shiroka, Godina Nr.8,
kati i IV, Tiranë dhe e-mail: qpkmr@drejtesia.gov.al.

Dhe

Urdhrit të Punonjësit Social, përfaqësuar nga Z. Mirgit Vataj , me adresë Rruga "Jusuf
Vrioni", Pallati 1, Kati i I-rë, dhe e-mail ups.shqiperi@yahoo.com

Palët kanë rënë dakord të lidhin këtë Marrëveshje Bashkëpunimi, në vijim e quajtur Marrëveshje.

Neni 1

Qëllimi i Marrëveshjes

Kjo marrëveshje ka për qëllim përcaktimin e mënyrave të bashkëpunimit midis Urdhrit të Punonjësit Social dhe Qendrës së Parandalimit të Krimeve të të Miturve dhe të Rinjve (QPKMR), në kuadër të ofrimit të shërbimeve sociale lidhur me rastet e të miturve dhe të rinjve në kontakt/konflikt me ligjin.

Neni 2

Baza Ligjore

Kjo Marrëveshje Bashkëpunimi bazohet në ligjin nr. 37/2017 “Kodi i Drejtësisë Penale për të Mitur”; ligjin nr.18/2017, “Për të Drejtat dhe Mbrojtjen dhe e Fëmijës”; ligjin nr. 121/2016, “Për Shërbimet e Kujdesit Shoqëror në Republikën e Shqipërisë; ligjin nr. 163/2014 “Për Urdhrin e Punonjësve Socialë në Republikën e Shqipërisë”, VKM nr.148, datë 13.03.2018 “Për përcaktimin e rregullave të bashkëpunimit ndërmjet mekanizmave këshillimorë e koordinues institucionale, strukturave për të drejtat dhe mbrojtjen e fëmijës dhe organizatave jofitimprurëse, për realizimin e politikave kombëtare e vendore, si dhe për shërbimet e nevojshme për mbrojtjen e fëmijës”; si dhe VKM nr. 314, datë 15.05.2019, “Për organizimin, funksionimin, si dhe përcaktimin e rregullimeve specifike lidhur me strukturën dhe organikën e Qendrës së Parandalimit të Krimeve të të Miturve dhe të Rinjve”, të ndryshuar.

Neni 3

Kohëzgjatja e marrëveshjes

Kjo Marrëveshje Bashkëpunimi lidhet për një periudhë 1 (një) vjeçare me të drejtë ripërtëritjeje me të njëjtin afat, nëse palët nuk shprehen në të kundërt përpara mbarimit të afatit.

Neni 4

Detyrat e palëve

1. Qendra e Parandalimit të Krimeve të të Miturve dhe të Rinjve (QPKMR) angazhohet:

- a) Të hartojë dhe të dërgojë një letër referencë për të miturit që kanë përfunduar ose janë duke vuajtur dënimin, në të cilën evidentohet nevoja për asistencë sociale dhe shërbime të tjera që Urdhri i Punonjësit Social disponon, si dhe të komunikojë me personin përgjegjës nga Urdhri i Punonjësit Social për ndjekjen e rasteve.
- b) Të bashkëpunojë me Urdhrin e Punonjësit Social për monitorimin e zbatimit të programit individual të trajtimit social të dënuarit të mitur, gjatë gjithë periudhës kohore të nevojshme pas përfundimit të dënimit.
- c) Të ndajë me Urdhrin e Punonjësit Social praktikat më të mira në lidhje me objektivat e përcaktuara në Marrëveshje.
- d) Të marrë pjesë në takime dhe tryeza të përbashkëta, të cilat zhvillohen nga Urdhri i Punonjësit Social në kuadër të rritjes së kapaciteteve në lidhje me zbatimin e legjislacionit për masat alternative.

2. Urdhri i Punonjësit Social angazhohet:

- a) Të vendosë pikat e kontaktit të personave përgjegjës që do të mbajnë kontakt me Qendrën e Parandalimit të Krimeve të të Miturve dhe të Rinjve, të cilët do të angazhohen në zbatimin e projekteve që do të zhvillohen me QPKMR.
- b) Të bashkëpunojë me Qendrën e Parandalimit të Krimeve të të Miturve dhe të Rinjve për monitorimin dhe ndjekjen e rasteve që kanë nevojë për shërbime gjatë gjithë periudhës kohore të përcaktuar në këtë marrëveshje bashkëpunimi.
- c) Të zhvillojë një model ndërhyrjeje pozitive në lidhje me ofrimin e shërbimit social për të miturit në kontakt me ligjin.

- d) Të ofrojë referim/ndërmjetësim dhe shërbime sociale për të miturit pas kryerjes së dënimit dhe të monitorojë dhe raportojë rregullisht mbi ecurinë e shërbimit të ofruar
- e) Të ofrojë shërbime të ndryshme me qëllim ngritjen e kapaciteteve të punonjësve socialë, të cilët punojnë direkt ose indirekt me të mitur dhe të rinj në kontakt/konflikt me ligjin.
- f) Të zhvillojnë takime të përbashkëta me të miturit dhe të rinjtë lidhur me zgjidhjen alternative të mosmarrëveshjeve me ndërmjetësim.

Neni 5

Personat e Kontaktit

1. Secila nga palët përcakton një person kontakti të cilës/it i drejtohen të gjithë komunikimet, qofshin verbale apo të shkruara, elektronike ashtu edhe të shtypura.
2. Në çastin e nënshkrimit të kësaj marrëveshjeje, personat e kontaktit janë si vijon:
 - a) Për Urdhrin e Punonjësve Socialë: Z. Mirgit Vataj, me numër kontakti: 0675002024.
 - b) Për QPKMR: Znj. Klaudia HASANLLARI, Drejtor, me numër kontakti: 0688751513.
3. Këta persona do të jenë përgjegjës gjithashtu për saktësinë e protokolleve, procesverbaleve dhe çdo dokumenti tjetër të nevojshëm.
4. Në rast të ndryshimit të njërit nga këta persona, pala e cila përfaqësohet prej këtij personi, duhet të sigurohet që të njoftojë me shkrim palën tjetër nënshkruese brenda 5 (pesë) ditësh, për të dhënat e personit të ri të kontaktit.

Neni 6

Konfidencialiteti

1. Palët, në dijeni të përgjegjësive të tyre ligjore, zotohen të respektojnë dhe të ruajnë etikën profesionale dhe konfidencialitetin e informacionit për secilin nga rastet objekt të bashkëpunimit midis tyre.
2. Në qoftë se nevojitet, në funksion të interesit më të lartë të fëmijës, njëra palë mund t'u kalojë informacionet e përfituara mbi personat subjekt i kësaj Marrëveshjeje (Neni 1 më lart) palëve të treta, duke njoftuar/sqaruar paraprakisht me e-mail apo shkresë palën tjetër nënshkruese të kësaj Marrëveshjeje në lidhje me këtë veprim.

Neni 7

Përfundimi i Marrëveshjes

1. Secila nga palët mund të përfundojë këtë Marrëveshje përpara afatit të përcaktuar në nenin 3, duke njoftuar palën tjetër me shkrim, jo më vonë se 30 (tridhjetë) ditë përpara përfundimit të marrëdhënieve të Marrëveshjes, duke dhënë sqarime të hollësishme mbi këtë ndërprerje.
2. Për çdo rast, pavarësisht mënyrës së përfundimit, secila nga palët do të përmbushë të gjitha detyrimet që rrjedhin nga Marrëveshja deri në çastin e ndërprerjes së marrëdhënieve.

Neni 8

Hyrja në fuqi

Marrëveshja hyn në fuqi nga dita e nënshkrimit të saj.

Neni 9

Dispozita të fundit

1. Kjo marrëveshje hartohet në katër kopje të barasvlershme, nga dy kopje për secilën palë, të firmosura nga titullarët dhe të vulosura me vulat zyrtare të institucioneve palë.
2. Marrëveshja mund të ndryshohet vetëm nëpërmjet një dokumenti me shkrim të nënshkruar nga të dyja palët.

PËR

QENDRËN E PARANDALIMIT

TË KRIMEVE TË TË MITURVE
DHE TË RINJVE (QPKMR)

DREJTOR

KLAUDIA HASANLLARI



PËR

URDHRIN E PUNONJËSIT
SOCIAL

